

remus: quod sumus, hoc sunt. Inde scripturæ ab initio suo. Ex illis sumus, ante quæ nihil aliter fuit quæ sumus, Quid denique fuit ante quæ nobis interpolarent? Cui autem omnis interpolatio posterior credenda sit, ueniens * itaque ex causa *Als * utiq.* æmulationis (qua neque prior, neque * domesticarum est eius quæ quod æmulatur) tam incredibile est sapienti cuique, ut non adulterum stilum intulisse uideamur scripturis, quod sumus & primi & ex ipsis, quæ illos non intulisse qui sunt & posteri & aduersi. Alius manu scripturas, alius sensu expositiones interuertit. Neque enim si Valentinus integro instrumeto * & ut uidetur non callidior ingenio quam *Als * uti.* Marcion: Marcion enim exerte & palam machæra, non stilo usus est: quoniam ad materiam suam eadem scripturarum confecit. Valentinus autem pepercit: quoniam non ad materiam scripturas, sed materiam ad scripturas excogitauit: & tamen plus abstulit, & plus adiecit, auferens proprietates singulorum quoque uerborum, & adiciens dispositiones non comparationum rerum. Hæc sunt ingenia de spiritalibus nequitiae, cum quibus luctatio est nobis fratres, merito contemplandæ fidei necessaria, ut electi manifestentur, ut reprobis detegantur. Et ideo habent uim & excogitandis instruendis erroribus facilitatem: non adeo mirandam quasi difficilem & inexplicabilem, cum de secularibus quoque scripturis exemplum præsto sit eius modi facilitatis: quo ius hodie ex Vergilio fabula in totum, aliam componi materiam secundum uersus, uersibus secundum materias concinnatis. Denique Ouidius citra Medeam Tragædiam ex Vergilio plenissime expressit. *Ouidius ex Vergilio tragædiâ expressit.* Meus quidam propinquus ex eodem Poëta, inter cætera stili sui otia pinacem Ceбетis explicuit. *Tabula Ceбетis.* Homeri centonas sententiam uocare solent, qui de carminibus Homeri propria opera more centonario ex multis hinc inde compositis in unum sarcunt corpus. Et utique fecundior diuina literatura ad facultatem cuiuscunque materiæ. Nec periculosum dicere ipsas quoque scripturas sic esse ex dei uoluntate dispositas, ut hæreticis materias subministrarent, cum legam oportere hæreses esse, quæ sine scripturis esse non possent. Sed quaeritur, à quo intellectus interpretetur, eorum quæ ad hæreses faciant. A diabolo scilicet, cuius sunt pares interuertendi ueritatem: qui ipsas quoque res sacramentorum diuinorum, in idolorum mysterijs æmulatur. *Mythras.* Tingit & ipse quosdam utique credentes & fideles suos: expiationem delictorum de lauacro repromittit, & si adhuc meminit Mythrae, signat illic in frontibus milites suos: celebrat & panis oblationem, & imaginem resurrectionis inducit: & sub gladio redimit coronam. Quid quod & summum pontificem * nuptijs statuit? Habet & uirgines, habet & continentes. *Hirsau. ex ep. habet * in unius nuptijs.* Cæterum si Numæ Pompilij superstitiones reuoluamus, si sacerdotalia officia insignia & priuilegia, si sacrificantia ministeria, & instrumenta & uasa ipsorum sacrificiorum, ac piaculorum & uotorum curiositates consideremus: nonne manifeste diabolus morositatem illam Iudææ imitatus est? Qui ergo ipsas res de quibus sacramenta CHRISTI administrantur tam æmulanter adfectauit exprimere in negocijs idololatriæ, utique &